

# C A I B. X.

2 Agus chaidh teine mach o lathair an Tighearna, agus loisg e suas<sup>a</sup> iad, agus fhuair iad bàs 'an lathair an Tighearna.

3 'An sin thubhairt Maois re h-Aaron, *Is e fo an ni* a labhair an Tighearn, ag ràdh, Annta-san a thig am fagus dhomh naomhaichear misè, agus 'an lathair an t-sluaigh uile glòraichear mi. Agus dh'fhan Aaron 'na thofd.

4 Agus ghairm Maois air Mìsael agus air Elfaphan, mic Udsiel bràthar athar Aaroin, agus thubhairt e riu, Thigibh am fagus, giùlainibh bhur braithre o fhianuis an *ionaid* naomha mach as a' champa.

5 Agus chaidh iad am fagus, agus ghiùlain iad 'nan còtaichibh iad a mach as a' champa, mar a thubhairt Maois.

6 Agus thubhairt Maois re h-Aaron, agus re h-Eleasar, agus re h-Itamar a mhic, Na ruisgibh bhur cinn, agus na reubaibh bhur n-eudach, an t-eagal gu'm faigh sibh bàs, agus an t-eagal gu'n d'thig fearg air an t-sluaigh uile; ach deanadh bhur bràithre, tigh Israeil uile, tuireadh<sup>b</sup> air son an losgaidh a las an Tighearna.

7 Agus cha d'théid sibh a mach air dorus pàilliuin a choi'-thionail, an t-eagal gu'm faigh sibh bàs: oir *a ta* oladh-ungaidh an Tighearn oirbh. Agus rinn iad a réir focail Mhaois.

8 Agus labhair an Tighearna re h-Aaron, ag ràdh,

9 Na h-òl fion no deoch làidir<sup>c</sup>, thu féin, no do mhic maille riut, an uair a théid sibh a steach do phàilliuin a' choi'-thionail, an

t-eagal gu'm faigh sibh bàs: *bithidh e* 'na reachd bith-bhuan air feadh bhur ginealacha:

10 Agus a chum gu'n cuir sibh eadar-dhealachadh eadar naomha agus mi-naomha, agus eadar neo-ghlan agus glan:

11 Agus a chum gu'n teagaisg sibh do chloinn Israeil na h-orduighean<sup>d</sup> uile a labhair an Tighearna riu le làimh Mhaois.

12 Agus labhair Maois re h-Aaron, agus re h-Eleasar, agus re h-Itamar, a mhic a dh'fhan *beo*, Gabhaibh an tabhartas-bìdh a dh'fhàgadh do thabhartasaibh an Tighearn air an toirt suas le teine, agus ithibh e gun ghoirteachadh làimh ris an altair: oir *a ta* e ro-naomha.

13 Agus ithidh sibh e 'san ionad naomha, a chionn *gur* e do dhlighe e<sup>e</sup>, agus dlighe do mhac, do thabhartasaibh an Tighearn air an toirt suas le teine: oir is ann mar sin a dh'àithneadh dhomhsa.

14 Agus an t-uchd luaisgte agus an flinnean togta ithidh sibh ann an ionad glan; thu féin, agus do mhic, agus do nigheana maille riut: oir is *iad* do dhlighe iad, agus dlighe do mhac, a thugadh dhoibh a iobairtibh tabhartasan-sìth chloinn Israeil.

15 An flinnean togta, agus an t-uchd luaisgte, maille ris na tabhartasaibh air an toirt suas le teine do'n t-faill, bheir iad leo agus a luasgadh mar thabhartas-luaisgte 'an lathair an Tighearna; agus is leats' e, agus le d' mhic maille riut, le reachd bith-bhuan, mar a dh'àithn an Tighearna.

16 Agus